

mo jedna Milanović

iznenađenja, bit će relativni pobjednik izbora



Plenković i Milanović: Ko ima najveće šanse

pregovora sa BiH, te su imali odlične odnose s Vijećem ministara, ali i s političkim strankama u Sarajevu, što u ranijim mandatima nije bio slučaj.

S druge strane, Zoran Milanović je često imao zapaljivu retoriku prema BiH, konkretnog djelovanja nije bilo, a često je kritizirao i međunarodnu zajednicu. Što se tiče političkih predstavnika u Sarajevu Milanović je jedino održavao odnose s članom Predsjedništva BiH Denisom

u Hrvatskom saboru. Ovi izbori bi mogli biti značajni i za Bosnu i Hercegovinu, jer od toga ko će pobijediti mogli bi ovisiti

daljnji odnosi između ove dvije države. HDZ i njihov lider Andrej Plenković su bili veliki lobisti za otvaranje evropskih

Bećirovićem, no ono što mu se često zamjera je bliskost s predsjednikom RS Miloradom Dodikom. S. SPAHIĆ

Mnogi su napustili suđenje bivšem predsjedniku Pristrasnost porotnika na suđenju Trampu

Kako bi bio osuđen, porotnici moraju utvrditi da je Tramp kriv izvan svake sumnje

U slučaju Donalda Trampa (Trump) advokati nastoje izabrati 12 porotnika i 6 zamjenika u vjerovatno jedinom krivičnom slučaju s kojim se Tramp (Trump) suočava prije izbora 5. novembra.

Prvog dana historijskog suđenja bivšem predsjedniku, sudija Huan Merčan (Juan Merchan) rekao je stotini potencijalnih porotnika da moraju ostaviti po strani sve predrasude ili lične stavove o

optuženiku ili o slučaju, uključujući političku orijentaciju.

Najmanje 50 ih je otpušteno nakon što su rekli da ne mogu biti nepristrani na suđenju republikanskom kandidatu za predsjednika. Suđenje su napustili i oni koji su rekli da ne mogu obaviti tu dužnost iz drugih razloga.

Odabir porote među ljudima s izrazito demokratskog Manhatana mogao bi potrajati nekoliko



Jedino suđenje s kojim će se suočiti prije izbora

dana, nakon čega slijede uvodne riječi i iskazi svjedoka. Kako bi bio osuđen, porotnici moraju utvrditi da je Tramp kriv izvan svake sumnje.

Izrael upozorio Iran

Udar će biti bolan



Vlada podijeljena kako će uzvratiti

Vjeruje se da Izrael godinama provodi tajne operacije u Iranu

Izraelski ratni kabinet se ni nakon dvije burne sjednice nije dogovorio kako će odgovoriti na iranski napad. Izrael mora balansirati između međunarodnog pritiska da pokaže suzdržanost s jedne strane, a u isto vrijeme dati prikladan odgovor na napad bez presedana.

Kabinet je odlučan da odgovori na napad te uprkos pritisku saveznika da ne eskalira, ipak raspravlja o vremenu i opsegu odgovora. Izravan napad na Iran postavio bi još jedan presedan. Iako se vjeruje

da Izrael tokom godina provodi tajne operacije u Iranu, pri čemu su mete obično pojedinci ili objekti koji se smatraju prijetećim za Izraela, nikada nije pokrenuo izravan vojni napad na iranski teritorij.

Iz Izraela su najavili "bolan" osvetnički udar protiv Irana, ali onakav kakav bi izazvao regionalan rat, a Teheran je obećao uzvratiti još jačim odgovorom od napada pokrenutog tokom vikenda.

Alon Pinkas, bivši izraelski diplomat, rekao

je da je malo vjerovatno da će Izrael uzvratiti izravnim udarom na Iran, ali ako se desi, mete bi mogle uključivati vojna sredstva ili nuklearni program Islamske Republike.

Izraelska vlada je podijeljena oko toga kako i kada uzvratiti. Iako je prošlo samo par dana od iranskog napada, u Izraelu je puno političkih neslaganja. Lider izraelske opozicije Hair Lapid (Yair) optužio je Netanyahuja da predvodi potpun gubitak izraelske strategije odvratanja.

Postoji opasnost od bjekstva i utjecaja na svjedoke Lazoviću i Katniću određen pritvor

Nekadašnji pomoćnik direktora Uprave policije i bivši glavni specijalni tužilac uhapšeni su u nedjelju

Zbog opasnosti od bjekstva i mogućeg utjecaja na svjedoke, Zoranu Lazoviću i Milivoju Katniću određen je pritvor do 30 dana, kazala je "Vijestima" savjetnica za odnose s javnošću podgoričkog Višeg suda Marija Raković.

Nekadašnji pomoćnik direktora Uprave policije i bivši glavni specijalni tužilac uhapšeni su u nedjelju, a Specijalno državno tužilaštvo (SDT) ih tereti da su počinili krivična djela stvaranje kriminalne organizacije i zloupotreba službenog položaja, odnosno da su beogradskim kriminalcima Veljku Belivuku i Marku Miljkoviću pomogli ukidanjem zabrane ulaska u Crnu Goru.

Oni su saslušani kod



Lazović nakon saslušanja

sudije za istragu Gorana Šćepanovića, povodom zahtjeva SDT-a da im se odredi pritvor. Predsjednik Višeg suda Boris Savić odbio je zahtjev Lazovićevog branioca, advokata Zorana Piperovića, za izuzeće Šćepanovića.

Prema objavama „Vijesti“

Katnić već par dana ne uzima hranu, samo vodu, kako je navelo više izvora iz policije.

Službenici Specijalnog policijskog odjeljenja (SPO) u nedjelju su uhapšili Lazovića i Katniću nakon višemjesečne istrage koju su proveli u saradnji s Europolom.

Bosna i Hercegovina Federacija Bosne i Hercegovine Kanton Sarajevo		Bosnia and Herzegovina Federation of Bosnia and Herzegovina Canton Sarajevo
Općina Stari Grad Sarajevo		Municipality of Stari Grad Sarajevo
OOBAVJEŠTENJE O RASPISIVANJU JAVNOG POZIVA		
Općina Stari Grad Sarajevo, putem Službe za investicije i komunalne poslove, obavještava građane da je dana 17.04.2024. godine, raspisan Javni poziv za dodjelu pomoći za sanaciju stambenih jedinica socijalno ugroženim kategorijama stanovništva na području općine Stari Grad Sarajevo. Javni poziv za dodjelu pomoći za sanaciju stambenih jedinica socijalno ugroženim kategorijama stanovništva na području općine Stari Grad Sarajevo je na web stranici www.starigrad.ba (javni pozivi konkursi i oglasi) i oglasnoj ploči Općine Stari Grad Sarajevo.		
Javni poziv ostaje otvoren do kraja tekuće godine, odnosno do 31.12.2024. godine, ili do utroška sredstava predviđenih za navedenu namjenu u Budžetu Općine Stari Grad Sarajevo za 2024. godinu.		
Sve dodatne informacije vezane za Javni poziv mogu se dobiti svakim radnim danom, pozivom na broj telefona 033/282-411 ili direktno u prostorijama Službe za investicije i komunalne poslove (objekat A administrativnog sjedišta Općine Stari Grad Sarajevo, III sprat, kancelarija broj 313).		
Broj: 13/1-19-3486/24 Sarajevo, 17.04.2024. godine		
Služba za investicije i komunalne poslove		